

## 26. GRENOUILLE AVEC MILPATTE

Alors un jour grenouille ti a pe marche marche au bord la riviere. I voir un milpatte pe marche doucement doucement, grenouille i dire dans li meme: "Zotte milpatte i ennen un joli rechange. Me qui maniere i ti faire pour li gagne ca joli rechange. Si mon qui ti ennan ca jolie rechange, mon ti a de en ventard."

Grenouille i dire avec Milpatte "Mon frere mais cotte ou ti gagne ca jolie rechange comme ca. Mon ti a content gagne un rechange pareille pour ou." Desuite Milpatte i dire "Mon frere rode un peu du bois sec gagne trois roches arrange li pareille trois pied alume di feu gagne un ferblanc, mette de l'eau la dans. Milpatte i dire ecoute moi dire ou bien. Mette de l'eau dans ou ferblanc mette lo di feu". Zotte grenouille qui ti presse pour gagne rechange, i dire moi saute la dans, Milpatte i dire ecoute mon frere laisse ou de l'eau bouille et saute la dans ou va gagne un joli rechange. Grenouille tine fini content i faire tout ca qui Milaptte ti dire li, i ti tellement presse comment son de l'eau ti bien chaud, grenouille i saute dans ferblanc, grand merci de l'eau pas ti encore bouille i ti saute vitement a terre et saute dans la riviere. Ca meme la patte grenouille i fin. Acause i ti paraliser depuis ca jour i ti sorti dans de l'eau chaud et saute dans de l'eau frais, acause i ti trop jalouse.